

SESIÓN EXTRAORDINARIA CELEBRADA POLO CONCELLO PLENO O DÍA
27/XULLO/1999

S U M A R I O

- 1.- APROBACIÓN, SE PROCEDE, ACTA ANTERIOR
- 2.- DAR CONTA EXPEDIENTES DE MODIFICACIÓN DE CRÉDITOS
- 3.- DESIGNACIÓN REPRESENTANTES DO CONCELLO NA MANCOMUNIDADE, PATRONATO MUNICIPAL DE DEPORTES, PATRONATO DO CONSERVATORIO MUNICIPAL DE MÚSICA, COMISIÓN INFORMATIVA ESPECIAL SERVICIOS PÚBLICOS PRIVATIZADOS.
- 4.- PROPOSTA DA ALCALDÍA DESIGNACIÓN CONCELLOS PARA REPRESENTARNOS NO CONSELLO TERRITORIAL DA PROPIEDAD INMOBILIARIA DA PROVINCIA DE PONTEVEDRA.
- 5.- ESCRITO DA PLATAFORMA CIDADÁ POLA GRATUIDADE DA PEAXE AUTOPISTA A-9 RANDE-VIGO-PONTEVEDRA
- 6.- ESCRITO DO BNG IMPUGNACIÓN DO ACORDO DE APROBACIÓN DO CONVENIO URBANÍSTICO DA FAMILIA GARCIA COUÑAGO.

Na Sala de Sesión do Concello de Redondela, ás vinte horas e trinta minutos do día **vinteseite de xullo de mil novecientos noventa e nove**, baixo a Presidencia do Ilmo. Sr. Alcalde, D. XAIME REI BARREIRO e a asistencia dos Sres/as Concelleiros/as: D. MANUEL JAVIER NUÑEZ SALGADO, D. EMILIO GONZÁLEZ IGLESIAS, D. LUIS ALBERTO ORGE MIGUEZ, D^a M^a. DEL PILAR MARTÍNEZ GONZÁLEZ, D^a. M^a. DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. MANUEL RAMÓN CONDE ROMERO, D. EMILIO SÁNCHEZ SONTORIO, D^a. AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MIGUEZ BOULLOSA, D. PABLO REBANAL ALFAYA, D. XOSE CARLOS PAZOS DOCAMPO, D^a. CECELIA PÉREZ ORGE, D. JOSE LUIS GRANDE GRANDE, D^a. M^a. ANGELES GONZÁLEZ GÓMEZ, actuando como Secretario o da Corporación, D. LUIS TORRADO

VÁZQUEZ, constitúese o Pleno do Iltmo. Concello, en sesión extraordinaria, correspondente ó día da data, conforme á convocatoria e de acordo coa Orde do Dia remesada a tódolos Sres/as Concelleiros/as, coa antelación legalmente requirida. Está tamén presente o Sr. Interventor do Concello, D. MODESTO SOLLA SANZ.

A Presidencia declara aberta a sesión en primeira convocatoria, procedéndose a trata-los puntos da Orde do Dia.

1.- APROBACIÓN, SE PROCEDE, ACTA ANTERIOR.

Pola Presidencia dase conta da acta da sesión celebrada con carácter extraordinario o pasado día 15 de xullo de 1999, para a súa aprobación se procedera, manifestando se teñen que alegar algún dos Sres. Concelleiros algo respecto da acta citada.

Concedida a palabra pola Presidencia pola Concelleira Sra. Pérez Orge, se sinala que no folio 7 da referida acta e no Decreto da Alcaldía de data 5 de xullo do ano que andamos, no se fixo constar, sen dúbida por erro, o apartado terceiro do mesmo que dí: "Nomear delegada de participación cidadana á Concelleira D^a. Cecilia Pérez Orge".

Concedida a palabra pola Presidencia pola Concelleira D^a. M^a. Ángeles González Gómez, maniféstase que no mesmo folio da citada acta e igual Decreto que os citados anteriormente pola Concelleira Pérez Orge, faise figurar no apartado segundo do aludido Decreto a dicente como M^a. Angeles González Pérez Gómez, cando en realidade o seu nome e o de M^a Angeles González Gómez.

Concedida a palabara pola Presidencia polo Concelleiro do PP D. Luís Míguez Boullosa, faíse constar que, sen dúbida por erro e no punto terceiro da acta anterior correspondente a creación e composición das Comisións informativas, se lle fai figurar en tódalas Comisións para as que foi nomeado como Luis Martínez Boullosa, cando en realidade o seu nome correcto e o de Luis Míguez Boullosa.

Este Concello Pleno, por unanimidade, prestou a sua aprobación a acta da sesión extraordinaria celebrada polo mesmo en data 15.07.99.

2.- DAR CONTA EXPEDIENTES DE MODIFICACIÓN DE CRÉDITOS

Polo Sr. Presidente dase conta a este Concello Pleno de expedientes de modificación de crédito núms.11,12, 13,14 /99.

Polo Sr. Presidente ábrese o correspondente turno de intervencións:

Concedida a palabra pola Presidencia polo Concelleiro Sr. Conde Romero se manifesta que despois da data da constitución desta nova Corporación aínda non coñece a situación económica do Concello.

Polo Sr. Presidente indícase que según a Orde do día o o que se trata neste punto e dar conta os/as Sres/as Concelleiros/as de varios expedientes de modificación de crédito.

Concedida a palabra pola Presidencia polo Concelleiro Sr. Conde Romero maniféstase que se non se lle dá ó solicitado o referento a situación económica do Concello terá que pedilo ó Tribunal de Contas.

Concedida a palabra pola Presidencia polo Concelleiro Sr. González Iglesias, polo mesmo se indica que o Concelleiro Sr. Conde Romero descoñece en absoluto a situación deste Concello e debia ser descoñecida con máis fundamento polo PSG de PSOE pois este Concello estivo gobernado dende o ano 1996 polo PP.

Continuando coa súa intervención polo Concelleiro Sr. González Iglesias manifestase que para a limpeza de praias houbo que sacar diñeiro doutras partidas pois o PP no presuposto so deixou dúascentas setenta e cinco mil (275.000) pesetas, para tal finalidade.

Concedida a palabra pola Presidencia polo Concelleiro Sr. Pazos Docampo que o PP non fala de nada que veña na Orde o Día e parece que polo tanto non hai debate por parte do PP.

Concedida a palabra pola Presidencia ó Sr. Conde Romero, por éste maniféstase que según parece os únicos listos da Corporación son os Concelleiros/as do BNG, e dirixíndose o Concelleiro Sr. González Iglesias dille ó mesmo que no PP hai diversos militantes como en tódolos partidos, pero que non selle vote a culpa o PP polos tres últimos anos que estivo gobernando e dille o Sr. Interventor que conven que se proceda a un saneamento económico do Concello, e que o PP se comprometeu a vir o Concello para arranxar a desfeita do PSG de PSOE.

Concedida a palabra pola Presidencia o Sr. González Iglesias por éste referíndose a algunha parte do contido dos expedientes da modificación de crédito indica que é preciso efectuar reparacións nos colexios, para ós que o PP non deixou no orzamento diñeiro algún e si en cambio facturas por pagar, así como tamén facer fronte ós gastos correspondentes a becas de estudos, reposición de alumeado, pagos a UNION-FENOSA, e limpeza de Praís.

Este Concello Pleno por unanimidade dos Sres. Asistentes, queda enterado do contido dos citados expedientes de modificación de crédito.

3.-DESIGNACIÓN REPRESENTANTES DO CONCELLO NA MANCOMUNIDADE, PATRONATO MUNICIPAL DE DEPORTES, PATRONATO DO CONSERVATORIO MUNICIPAL DE MÚSICA, COMISIÓN INFORMATIVA ESPECIAL SERVICIOS PÚBLICOS PRIVATIZADOS.

Polo Sr. Presidente dase conta a este Concello Pleno de escritos dos distintos grupos políticos con representación neste Concello, designando representantes dos mesmos que formaran parte na Mancomunidad Intermunicipal da Área de Vigo.

Na súa consecuencia polo Sr. Presidente se da conta a este Concello Pleno de que a representación do mesmo nos Organismo antes citados quedará constituída do seguinte xeito:

Mancomunidade Intermunicipal da Área de Vigo

- D. JOSE LUIS GRANDE GRANDE
- D. FRANCISCO ANTONIO LAGO MELÓN
- D. ALEJANDRO BASTOS FERNÁNDEZ
- D. MANUEL IGLESIAS CARRERA

Patronato Municipal de Deportes

- D. PABLO REBANAL ALFAYA
- D. CARLOS GONZÁLEZ FERNÁNDEZ
- D. JOSE LUIS GRANDE GRANDE

Patronato Conservatorio Municipal de Música

- D^a.M^a. ANGELES GONZÁLEZ GÓMEZ
- D. ALEJANDRO BASTOS FERNÁNDEZ
- D^a.AURORA ALONSO MONTEAGUDO

**Comisión Informativa Especial Servicios Públicos
Privatizados**

- D. EMILIO SÁNCHEZ SANTORIO
- D^a M^a. PILAR MARTÍNEZ GONZÁLEZ
- D^a CECILIA PÉREZ ORGE

Este Concello Pleno, por unanimidade acorda prestarlle a súa aprobación ás designacións de Concelleiros/as antes citados/as.

**4.-PROPOSTA DA ALCALDÍA DESIGNACIÓN CONCELLOS PARA
REPRESENTARNOS NO CONSELLO TERRITORIAL DA PROPIEDAD E
INMOBILIARIA DA PROVINCIA DE PONTEVEDRA.**

Polo Sr. Presidente dase conta a este Concello Pleno da proposta da Alcaldía de data 21 de xullo do ano que andamos que dí:

"A vista do escrito do Presidente do Consello Territorial da Propiedade Inmobiliaria da Delegación de de Economía e Facenda de Pontevedra, en relación coa **renovación dos representantes das Corporacións Locais no Consello Territorial da Propiedade Inmobiliaria de Pontevedra**, esta Alcaldía ten a ben propoñer ó Concello Pleno a adopción do seguinte acordo:

Que nos representen no Consello Territorial da Propiedade Inmobiliaria ós Concellos de **Vilagarcia de Arousa, Cangas e Marín.**"

Este Concello Pleno, por unanimidade dos Sres. Concelleiros/as asistentes a este sesión, acorda prestar a súa aprobación a proposta da Alcaldía antes transcrita.

5.- ESCRITO DA PLATAFORMA CIDADÁ POLA GRATUIDADE DA PEAXE AUTOPISTA A-9 RANDE-VIGO-PONTEVEDRA

Polo Sr. Presidente dase conta do escrito de data 19 de xullo do ano que andamos da Plataforma Cidadá pola gratuidade da peaxe A-9 Rande-Vigo-Pontevedra, que dí:

"Manuel Méndez Fraguas, con DNI. 35.273.322 e enderezo en Berducedo, 49 de Moaña, en representación da PLATAFORMA CIDADÁ POLA GRATUIDADE DA PEAXE NA A-9 da que forman parte as Federacións de AA.VV. de Vigo, Pontevedra, Redondela, Marín, Moaña, Cangas e outras como Abrente e Chapela de Redondela, Beluso-Bueu, etc. Así como numerosos colectivos e institucións tales como Asociacións de Transportistas ou Concellos que se pronunciaron a favor la liberalización da peaxe no tramo da Ponte de Rande a Vigo e incluso de Pontevedra a Vigo mentras non haxe unha comunicación gratuita por autovía coa meseta, a vostede e corporación

EXPON: Que despois de conseguida a apertura sen peaxe do tramo Teis-Puxeiros da A-9 e da posta en funcionamento da nova autoestrada do Val Miñor, concesionaria da Xunta de Galicia, vémonos na obriga de volver a direxirnos ós Concellos das comarcas de Vigo, Pontevedra e O Morrazo para expoñerlle ás novas Corporacións unha táboa de tarifas actualizada que adxuntamos na que se demostra que hai tramos da A-9 nos que se chega a pagar ata doce veces máis

que na nova autoestrada Vigo-Baiona, tema dunha insxustiza social tan grave que nos levou a reclamar incluso a intervención do Valedor do Pobo e do Defensor del Pueblo, máxime cando de Vigo ó Morrazo non existe vía alternativa e Vigo-Baiona conta con dúas estradas pola costa.

Por todo elo,

SOLICITA: 1º.- Que o Pleno desa Corporación se pronuncie a favor da liberalización da peaxe no tramo de Pontevedra a Vigo e de non ser viable neste momento, que se liberalicen como mínimo os tramos de Vigo-O Morrazo e Chapela-Vigo -que non supoñen máis que un máximo de 4 Km.- e que se reduza dastricamente a tarifa de Vigo-Pontevedra ata un prezo por quilómetro similar ó da autoestrada do Val Miñor que está 5 e 6,6 ptas/km.

2º.- Que se acorde colaborar cos gastos da campaña pola gratuidade da peaxe neste tramos da A-9 ingresando na conta 2080.0047.80.004.001113.8 a cantidade de 25.000 pts. Que xa teñen aportado outros concellos.

3º.- Que se envíen os acordos plenarios á Xunta de Galicia, Ministerio de Fomento e Subcomisión de Infraestructuras do Congreso dos Deputados que estudia nestes momentos o tema das discriminacións nos prezos da peaxe en todas as autoestradas españolas.

4º.- Que solicitamos unha entrevista sobre o tema na que estaría presente unha representación da Plataforma."

Este Concello Pleno por unanimidade dos Sres/as Concelleiros/as asistentes acorda prestarlle a súa aprobación o contido íntegro o escrito da Plataforma Cidadá antes transcrito.

6.- ESCRITO DO BNG IMPUGNACIÓN DO ACORDO DE APROBACIÓN DO CONVENIO URBANÍSTICO DA FAMILIA GARCIA COUÑAGO.

O Pleno da Corporación, en sesión celebrada o día 11 de xuño de 1999, aprobou un "Convenio Urbanístico coa familia Garcia Couñago", que a xuízo do Grupo Municipal do BLOQUE NACIONALISTA GALEGO é lesivo para o Concello de

Redondela, e non conforme a dereito. Basease a lesividade, e o incumprimento da lei nos seguintes argumentos:

1º.- Na aprobación polo Pleno da Corporación do Convenio Urbanístico incumpríu-se o artigo 82.3 do Regulamento de Organización Funcionamento e Réxime Xurídico das Entidades Locais, que establece: "O Alcalde, por razóns de urxencia debidamente motivada, poderá incluír na orde do día, a iniciativa propia ou a proposta de algun/ha dos/as portavoces asuntos que non foran previamente dictaminados pola correspondente Comisión Informativa, pero neste suposto non se poderá adoptar ningún acordo sobre estes asuntos sin que o Pleno ratifique a súa inclusión na orde do día".

2º.- O Convenio coa familia García Couñago, asína-se o día 22 de agosto de 1997, incumpríndose o que se establece no informe do "Centro Provincial de Asesoramento Municipal", de 7/08/97, informe que non procede solicitar ao contar o Concello de Redondela cos técnicos necesarios para evacuar ese tipo de informes, que chama a atención, entres outras cousas, sobre o órgano competente para aprobar o convenio.

3º.- Incumpre-se o artigo 4 da Lei de Contratos da Administración Pública, que proíbe a concertación de contratos contrarios ao interese público. Situación que se da neste convenio no que o Concello de Redondela se compromete a pagar, ben por medio de aproveitamento urbanístico, ben abonando 25 millóns de pesetas, a cambio de nada.

4º.- Incumpre-se a obriga legal da cesión do 10% do aproveitamento urbanístico ao concello, segundo establecen a Lei do Solo de Galicia, e o artigo 14.c da Lei do Réxime do Solo e Valoracións.

5º.- Incumpre-se na tramitación do expediente o establecido na Lei do Réxime Xurídico das Administracións Públicas e do Procedemento Administrativo Común, segundo consta no informe do Interventor Municipal referencia T 58/99.

Tendo en conta os incumprimentos citados e ao abeiro do establecido no artigo 209.2 do Regulamento de Organización, Funcionamento e Réxime Xurídico das Entidades Locais, en nome do Grupo Municipal do BLOQUE NACIONALISTA GALEGO, impugno o acordo de aprobación do "Convenio Urbanístico coa familia Garcia Couñago".

Pola Presidente ábrese o correspondente turno de debate.

Concedida a palabra pola Presidencia polo Concelleiro Sr. Pazos Docampo se sinala que o presente escrito faise en base do compromiso do BNG de deixar sen efecto o acordo adoptado polo PP no asunto de referencia.

Concedida a palabra pola Presidencia polo Concelleiro Sr. Conde Romero se pregunta o Secretario se existe escritura pública do convenio de referencia.

Polo Sr. Secretario se lle contesta que non ten constancia de tal escritura pública e que o que hai consta no expediente que estivo a disposición dos Sres. Concelleiros respecto deste punto do orde do día.

Concedida a palabra pola Presidencia o Sr. Orge Míguez, sinálase que non hai escritura do Convenio pero si da venda do edificio a que non consta no expediente.

Concedida a palabra pola Presidencia polo Concelleiro Sr. Conde Romero se sinala que o acordo a que se refire o escrito do BNG se debía impugnar directamente ante a xurisdicción contencioso-administrativa polos que votaron en contra do mesmo e remata a súa intervención indicando que se absterá da votación neste asunto da orde do día.

Concedida a palabra pola Presidencia o Sr. Orge Míguez, polo mesmo e dirixíndose ó Concelleiro Sr. Conde Romero indícalle ó mesmo que antes de absterse debería de saber se o acordo aludido se é lesivo ou non para os intereses do Concello e conclue afirmando que efectivamente é lesivo para eses intereses e que así o atestiguan os informes do Sres. Secretario e Interventor do Concello así como da CPAM e ramta a súa intervención decindo que

propoñera unha enmenda para iniciar expediente administrativo tendente a anulación do acordo citado.

Concedia a palabra polo Presidencia polo Concelleiro Sr. Pazos Docampo, se sinala que según o informe do Interventor se houbera irregularidade haberá que trasladalas os Sres/as Concelleiros/as responsables que votaron favorablemente ese acordo.

Concedida a palabra pola Presidencia polo Sr. Conde Romero se sinala que xa leeu o expediente en cuestión ratificándose na súa manifestación feita con anterioridade no censo de que os Sres. Concelleiros que votaron en contra deberon no seu momento impugnalo ante a xurisdicción contencioso-administrativo e ramata a súa intervención considerando que esto é unha venganza.

Concedida a palabra pola Presidencia polo Concelleiro Sr. Pazos Docampo se sinala que o escrito do BNG está fundado na legalidade.

Concedida a palabra pola Presidencia polo Sr. Conde Romero se pida a Presidencia que ante de adoptarse acordo neste punto do orde do día se espere uns días para saber o destino que vai a levar a "casa da torre".

Pola Presidencia se somete a votación unha enmenda que substitua a solicitude do escrito formulado polo BNG no sentido de que se inicie por este Concello o correspondente expediente tendente a anulación do acordo adoptado polo Pleno na sesión do día 11 de xuño de 1999 polo que se aprobou un convenio urbanístico coa familia García Couñago.

Non habén unanimidade de criterios se somete a votación a enmenda citada, obténdose o seguinte resultado:

Se abstén os/as Sres/as Concelleiros/as do PP (sete); votan a favor do contido da enmenda os/as Sres Concelleiros/as do PSG de PSOE (nove) e os/as Sres/as Concelleiros/as do BNG (catro):

Seguidamente pola Presidencia sométese a votación o escrito do BNG antes citado xunto coa enmenda anteriormente aprobada, obténdose ó seguinte resultado:

Abstéñense os/as Sres/as Concelleiros/as do PP (sete); votan a favor do contido da enmenda os/as Sres Concelleiros/as do PSG de PSOE (nove) e os/as Sres/as Concelleiros/as do BNG (catro).

E, non sendo outro o obxecto da presente sesión, pola Presidencia dase por rematada a mesma, sendo ás vinteunha horas e vinte minutos da data fixada no encabezamento, en proba de todo o que, se estende a presente Acta, que se incribiu no Libro dende o folio sesenta e dous do Papel Timbrado da Comunidade Autónoma de Galicia, Serie A n.º 0362762, ata o folio sesenta e sete, Serie A n.º 0362767, de todo o que, como Secretario, DOU FE.

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez